

Polelo ya phatlalatšo ya ditaba: Ditleleime tšeo di dirilwego ke Mra L Montana MP bjale ka ge di begilwe ka go Independent Newspapers ka la 7 Diphlane 2025

Tshwane, 7 Diphlane 2025 - Ditirelo tša Motšhelo tša Afrika Borwa (SARS) di lemogile dipego tša phatlalatšo ya ditaba ya Independent Newspapers lehono fao go umakwago mabarebare a gore Mra Lucky Montana MP o "latofaditše" gape o "beile ditatofatšo tša bosenyi" kgahlanong le SARS bakeng sa gore gothwe "e itiretše kahlolo ya bofora go tokafatša tefo e kgolo ya motšhelo". Mra Montana o tšwetšepele go dira tleleime phatlalatša ka ukamo kgahlanong le SARS ka ga "taolompe, tšhomišompe ya maatla le tsomo ya boloi ya go hloholetšwa ke dipolotiki".

Mola ka setlwaedi, SARS ga e amane phatlalatša le balefela motšhelo bao ba amegago ditshepetšong tša dikganetšano, gomme ditatofatšo tša maaka di swanetše go rarollwa ka nakwana. Ka lebaka leo, go tloga go le bohlokwa kudu go fana ka hlalošo ya morero wo.

Tshepetšo ya go koleka sekoloto ka kakaretšo:

Molao wa Taolo ya Motšhelo o fa SARS boitlamo bja semolao bja go kgonthiša gore dikoleka tša motšhelo di direga ka phethagalo le kgonagalo. Tshepetšo ye e ka akaretša go faela setatamente seo se tiišeditšwego ke SARS, ka go laetša palo ya motšhelo yeo e lefelwago go tlelereke goba mongwadiši wa kgorotsheko ya bokgoni, fao go amegago mo mabakeng a mangwe. Mo molatong o bjalo, tagafala ya phethagatšo e tlo ntšhwa - gore e phethagatšwe ka morero wa go koleka sekoloto. Setatamente se se tiišeditšwego, se filwe ka molao ka kgaugelo ya SARS, gomme se dirišišwa go hwetša tefelo ya sekoloto sa molefela motšhelo sa motšhelo. Ke molao wo o rarolotšwego gore setatamente seo se tiišeditšwego ke SARS go tšwa kgorotsheko ka tokelo ya boahlodi go molefela motšheloe e tšewa bjale ka kahlolo ya setšhaba bakeng sa morero wa go hwetša tefelo ya sekoloto sa motšhelo. SARS e gana ka go gatelela tirišo ya "e itiretše kahlolo ya bofora go tokafatša tefo e kgolo ya motšhelo".

Kgetho ya molato ka kakaretšo:

SARS ke setheo sa mmušo gomme se šoma ka tlase ga Molaotheo le Molaokakanywa wa Ditokelo. SARS e nyaka go diriša melao ya motšhelo le khasetomo yeo e e laolago ka paale, ka mokgwa wo o lego pepeneneng gape e šita le go neela ntle le khuetšo ya ka ntle. Ga go na motho le yo tee ka SARS yo a ka phethago gore ke mang a ka nyakišišwago, ke mang a ka oditwago, ke mang a swanetšego go lefelana sekoloto sa motšhelo mang le gore ka mang a sa swanelago. SARS e ithekgile ka mekgwatšhomo ya go retha e itiriša ka othomethiki, Bohlale bja Ekišo (AI), mekgwatšhomo ya go thewa ka kotsi, ya go thewa ka data le mekgwatšhomo ya nyakišišo ya go hlangwa ka kgetho ya melato. Kgetho ya molato bakeng sa dinyakišišo goba oditi e ya ka hlokomelo go tšwa go mekgwatšhomo e mmalwa – dikomiti tša melao ya mmušo di theilwa go eletša le to phethagatša merero e mengwe. Dikomiti ka moka di theilwe go ya ka molao, pholisi

goba mekgwatšhomo wa pušo gomme di na le malao ya go hleka. Di bopilwe ke batho bao ba nago le tsebo yeo e hlokegago le mabokgoni gomme bona ka bobona ba šoma ka tlase ga mekgwatšhomo ya hlokomelo. SARS ke setheo sa setšhaba seo se ikemetšego seripa ka ditlamo tše itšego tša molao. SARS e tšweletša mošomo wa yona ka phegelelo ka go ikemela le ka mokgwa wo o sa tšeeo lehlakore wo o sa dumelelego tšhitišo ya ka ntle. SARS ka kwelobohloko e ganetša "go tsoma boloi mo go hlohleletšwago ke dipolotiki".

Mokgwa wa go šoma wa ditleime tša maaka go šitiša, diegiša, go šitiša, fediša, le go bitša terama yeo e sa bitšwago:

Go tloga go tlwaelegile magareng ga bao ba lebanego ke ditlamorago tša ditiro tša bona, go leka go šitiša, thibela, le go hlasela le go diriša maano a go diegiša ka go dirišampe dingongorego tša semmušo, mekgwa le ditshepedišo tša tlhokomelo le mekgwatšhomo ya dinyakišišo le ditshepetšo, ka go hloma kumako ya mabarebare le ditatofatšo tša bofora tša "dingongoreo" tšeo di se nago bohlatse. Histori ya rena ya malobanyana e tletše ka mehlala ya ka fao batho ba nyakilego go tsenelela le go laola phatlalatšo ya ditaba le diplatfomo tše dingwe tša setšhaba go tšweletša ditleime tša maaka go fihlelela mekgwa ka moka ya ditetelo tša go se hlamatsege. Go swana fela le tirišompe le go phekgola methopo ya dietšensi tša tiišo ya molao go fihlelela dihlogo tša ditaba tša go tsoša maikutlo. Ka tsela ye, SARS e be e dutše e rerišana gomme e tlo tšwelapela go rerišana le dietšensi tša go fapana tša Tshepedišo ya Toka ya Bosenyi ka nepo ya go lekola kaone ka fao setlwaedi se se ka fedišwago, ka ge e le tshenyo ya nako le ditlabela tša baofisiri ba tiišo ya molao. enforcement officials.

SARS e ipiletša go baphatlalatši ba ditaba go lekodiša dintlha le go kgonthiša gore ba itlwaetša ditshepetšo tša maemo a taolo pele ba ka bega ditleleimi tša mabarebare. SARS, le baphatlalatši ba ditaba le badudi ka moka ba mo nageng e kolota bašomi ba mmušo bao ba tshephegilego, ba šomago ka thata gore ba lebelele pele morero wa tleleime, ba tsinkele ditleime tše di tšwilego tseleng, gomme ba nyake dintlha, pele ba ka tšea lehlakore le le tee la ditatofatšo. Se ga se thibele motho go hwetša thušo yeo e dumeletšwego ke dietšensi tša tiišo ya molao, ge e ba go na le molato wo o swanetšego go theeletšwa. Mo mabakeng a, ga go na selo.

“Go latofatša” le go “bea ditatofatšo”:

Kgoro ya Taolo ya Botšhotšhisi ba Bosetšhaba (NPA) e hlamilwe ka Karolo ya 179 ya Molaotheo gomme ke setheo fela seo se maatlafaditšwego go tšea shephetho sa ditatofatšo tša bosenyi go motho yo mongwe le yo mongwe, setheo, goba setheo sa molao le go laetša gore ditatofatšo tšeo ke dife. Ga go na motho yo mongwe ntle le NPA yo a ka latofatšago SARS goba moofisiri o mongwe le o mongwe wa yona.

SARS e dumeletšwe go ribolla tshedimošo ya molefela motšhelo phatlalatša go ganetša mabarebare:

Go eletša ditlleleime tša Mra Montana, SARS e tlo dira ka mo go hlokegago, e tlo diriša Karolo ya 67(5) ya Molao wa Taolo ya Motšhelo, wo o dumelelago SARS go utulla tshedimošo ya melefela motšhelo yeo e tlo tšewago bjale ka sephiri, go ganetša ditatofatšo tša yona.

SARS e tlo dira ditshwayotshwayo tše dingwe mabapi le se, ge e le gabjale, go fihlela Mra Montana a tsebišitšwego ya ka karolo ya 67 (5) ya Molao wa Taolo ya Motšhelo go gogela morago ditlleleime tše tša maaka setšhabeng, tša mahlabiša dihlong gape ditshwenyago mo nakong ya diiri tše 24. Go palelwa ke go tšea magato, SARS e tlo gapeletšega go utulla tshedimošo ya sephiri ya molefela motšhelo go phošolla temogo e fošagetšego.

SARS e tšwelapele go hlohleletša balefela motšhelo go ganetšana le SARS ka go diriša platfomo yeo e lego gona ya dikganetšano go rerišana ka dingongorego dife goba dife tseo ba ka bago ba na le tšona.

Go hwetša tshedimošo enngwe, ka kgopelo ikgokaganye le SarsMedia@sars.gov.za